

इवनिंग डोगरी न्यूज़ बुलेटिन
समे .18:15 Hrs



Headlines

1. उपराज्यपाल मनोज सिन्हा होरें अज्ज जनरल जोरावर सिंह हुं'दे शहीदी दिवस दे मौके पर उ'नेंगी श्रद्धांजलि भेंट कीती ते आखेआ जे जोरावर सिंह हुं'दे नजरिये नै हर पीढी गी प्रेरित कीता ऐ।
2. रेलवे नै नमीं दिल्ली ते कटड़ा बश्कार बशेष एक्सप्रेस रेल चलाने दा फैसला कीता ऐ, बशेष वंदे भारत रेल गड्डी अज्जै थमां नमीं दिल्ली ते उधमपुर बश्कार शुरू।
3. यू.पी.एस.सी नै बशेष तौरा पर दिव्यांगजनं यानि PWBD मेदवारें लेई आवेदन फाम्र चदर्ज उंदी पसिंद मताबक मतेयान केंद्र उ'नेंगी उपलब्ध करोआने दा फैसला कीता ऐ।
4. जम्मू-कश्मीर सरकार नै सभनें शैहरी मकामी इदारें गी स्कूलें, अस्पतालें, स्टेडियम ते बस अड्डे थमां आवारा कुत्तें गी हटाने दे निर्देश दित्ते न।
5. ते मौसम विभाग नै जम्मू-कश्मीर च अगले दा हफ्तें तगर मौसम बदलोखड़ा रौहने, हल्की बर्फबारी ते धुंध पौने दी पेशनगोई कीती ऐ।



LG-Gen. Zorawar

उपराज्यपाल मनोज सिन्हा होरें अज्ज जम्मू च जनरल जोरावर सिंह हुं'दे शहीदी दिवस पर उ'नेंगी भावें-भरोची श्रद्धांजलि भेंट कीती। इस कार्यक्रम दा आयोजन जम्मू-कश्मीर एक्स सर्विस लीग आसेआ कीता गेदा हा। इस मौके पर बोलदे होई एल.जी होरें आखेआ जे जनरल जोरावर सिंह हुं'दे नजरिये नै हर पीढी गी प्रेरित कीता ऐ उन्दे आसेआ दित्ती गेदी शिक्षा, हिम्मत ते दलेरी औने आहिलियें पीढियें गी सेई बत्त दस्सदी रौहग। एल.जी होरें आखेआ जे असें सभनें गी उंदे आसेआ दसी गेदी नैतिक मूल्लें उप्पर अमल करना लोडचदा ऐ। उपराज्यपाल होरें आखेआ जे असेंगी सकारात्मक बदलाव लेई पूरी तनदेई कन्नै कम्म करना लोडचदा ऐ तां जे अस नौजवानें दे जीवन च बदलाव ते उंदा समर्थन करी सकचै ते इक शांतिपूर्ण समाज दा निर्माण करी सकचै। एल.जी होरें आखेआ

तोआई. जनरल जोरावर सिंह हुं'दे परिवार दी 6मीं पीढी दी सदस्य रिया कलुरिया होरें इस मौके पर गल्ल करदे होई आखेआ



Spl. Train

रेलवे नै रेल यात्रुएं दी सहूलत लेई नमीं दिल्ली शा कटडा तगर 04081-04082 नमीं दिल्ली माता वैशुणो देवी, कटडा नमीं दिल्ली बशेष एक्सप्रेस रेल चलाने दा फैसला कीता ऐ। ट्रेन नंबर 04081 अज्ज रातीं नमीं दिल्ली रेलवे स्टेशन थमां रातीं 11 बज्जियै 45एं मिनटें पर चलोग जेड़ी अगले दिन दपैह्नी 12 बजे कटडा पुज्जी जाह्ग ते ट्रेन नंबर 04082 कल ते 14 दिसंबर गी कटडा रेलवे स्टेशन थमां रातीं 9 बज्जियै 20एं मिअनें पर चलोग ते अगले दिन बडुलै 10 बजे नमीं दिल्ली पुज्जी जाह्ग। तोआई, रेलवे अजज थमां 14 दिसंबर तगर यात्रुएं दी सुविधा लेई नमीं दिल्ली शा उधमपुर तगर इक बशेष ट्रेन चला'रदा ऐ। ब्हाई डोआरियें दे बार-बार रद्द होने दे मद्देनजर लोकें दी सुविधा लेई एहू गैंऽ पुट्टी गेई ऐ।

<><><><><><>

UPSC-PWBD Candidates

संघ लोक सेवा आयोग यानि यू.पी.एस.सी नै बशेष तौरा पर दिव्यांगजनें यानि P.W.B.D. लेई मतेयानें गी मता सुलभ बनाने दे मकसद कन्नै इक महत्वपूर्ण घोशणा कीती ऐ। आयोग हुन इस गल्लै गी यकीनी बनाग जे हर इक P.W.B.D. मेदवार गी आवेदन फार्म च दस्से गेदे उंदी पसिंद मताबक गै मतेयान केंद्र दिता जाह्ग। इस फैसले गी लागू करने दी प्रक्रिया दे हिस्से दे तौरा पर UPSC पैहले हर इक केंद्र दी मौजूदा समर्थ दा इस्तेमाल P.W.B.D. ते गैर P.W.B.D. मेदवारें लेई करोग। इक बारी जिस्लै एहू केंद्र पूरी छमता तगर पुज्जी जाह्ग ते एहू गैर P.W.B.D. मेदवारें लेई उपलब्ध नेई रौह्ग, पर P.W.B.D. मेदवार फ्ही बी इसी चुनी सकडन। UPSC नै एहू बी आखेआ जे छमता दे बादू इंतजाम बी कीते जाडन तां जे कुसै बी PWBD आवेदक गी अपनी पसंद दे मतेयान केंद्र थमां वंचित नेई कीता जाई सकै।

<><><><><><>

SIA-Doda

प्रदेश जांच एजेंसी SIA जम्मू नै पाकिस्तान अधारित हिजबुल मुजाहिदीन दे आतंकवादी जाहिद हुसैन जेडा डोडा दा रौहने आहला ऐ दी सम्पत्ति गी अटैच करी दिता ऐ। अदालत दे आदेश पर कारवाई करदे होई- SIA नै इक कनाल 16 मरले जमीन गी अटैच कीता ऐ। हुसैन मरमत दी Behota थाहर दा बसनीक ऐ ते ओदे पर आरोप ऐ जे ओह युवाएं गी आतंकवाद च शामिल होने लेई बरगलांदा हा। अधिकारियें दा गलाना ऐ जे इस कारवाई कन्नै आतंकवादियें दे तंत्र गी कमजोर करने ते खित्ते च उन्दे पूरे पराते सरिस्ते गी खत्म करने च मदद होग।

<><><><><><>

JK Stray Dog

जम्मू-कश्मीर च घरे-मकानें ते शैहरी विकास सरबन्धी मैहकमे नै सब्बनें शैहरी मुकामी इदारें गी निर्देश दिते न जे ओह दंऊ हफ्ते दे अंदर-अंदर स्कूलें- अस्पतालें- स्टेडियमें ते ट्रांसपोर्ट केन्द्रें दी पडताल करन ते उनेंगी अवारा कुत्ते

थमां महफूज़ रखन। आकाशवाणी जम्मू दे संवाददाता दी रिपोर्ट मुजब शैहरी मुकामी इदारे गी हर वंऊ महीने पर निरीक्षण करना होग ते अवारा कुत्ते गी हटाने लेई 30एं दिने दे अंदर-अंदर इक अनुपालन रिपोर्ट जमा करोआने आस्तै आखेया गया ऐ। जिला मैजिस्ट्रेट हर वंऊ हफते च प्रगति दी निगरानी करगंन- जिसलै कि म्युनिसिपल अधिकारिये गी इस गल्लै गी जकीनी बनाना होग जे संस्थाने दे नेडे अवारा कुत्ते दी कोई बी थहार नेई होए ते एहदे लेई सुप्रीम कोर्ट दे दिशा-निर्देशे दी पालमा कीती जा।

<><><><><><>

Doda-Accident

अज्ज बडुलै डोडा जिले च झिन्हनी नाले कश होए दे शिडक हादसे च इक जने दी मौत होई गेई ते 3 जने दे घाऽल होने दी खबर ऐ। एह हादसा अदूं होआ, जदूं इक गड्डी शिडक उप्परां रूलकिये डूंगे खड्डै च जाई पेई, जेहदे कारण इक जने दी मौके पर गै मौत होई गेई। पुलस ते मकामी लोके फौरी तौरा पर हादसे आहली थाहर पुज्जी गए ते घाऽले गी अस्पताल पजाया गेआ। इस मामले च मामला दर्ज करिये अगेत्री जांच शुरू करी दिती गेई ऐ। हादसे दे बारै गल्ल करदे होई इक मुकामी बसनीक ते इक अधिकारी नै दस्सेआ।

<><><><><><>

Food Safety

रामबन दे खाद्य सुरक्षा विभाग नै बक्ख-बक्ख शराब आहिलिये हटिये दा निरीक्षण कीता तां जे खाने-पीने आहिलिये चीजे दी सुरक्षा सरबन्धी नियम कायदे दी पालमा दा जायजा लैता जाई सके। इस दरान टीम नै चीजे दे उच्च म्यार दा बी जायजा लैता ते इस सरबन्धत रिकार्ड ते स्टाफ दी सिखलाई बारै बी जानकारी हासल कीती। एहदे अलावा दकाने दी हालत ते साफ-सफाई दा बी निरीक्षण कीता गेआ। साहडे संवाददाता कन्नै गल्ल करदे होई रामबन दे खाद्य सुरक्षा अधिकारी बलबीर सिंह होरे आखेआ

<><><><><><>

Weather

मुकामी मौसम विभाग नै मौसम दे सूरतेहाल बारै ताजा जानकारी सांझी करदे होई आखेआ जे अगले द'ऊं हफते दरान खिते च मौसम बदलोखडा बने दा रौहग ते उच्चिये धारे पर हौली बर्फबारी होने ते केइये हिस्से च धुंध पौने दे बी असार न। आकाशवाणी दे जम्मू संवाददाता दी रिपोर्ट मुजब मौसम विभाग दी ताजा भविक्खवाणी मुजब कल 12 दिसंबर गी समूलचे प्रदेश च मौसम अदे- दुब्बे तौरा पर बदलोखडा रेई सकदा ऐ एहदे मगरा 13 शा 17 दिसम्बर तोड़ी गासै पर बहल छाए दे रेई सकदे न ते उत्तरी ते मध्य कश्मीर दिये किश उच्चि पहाडी चोटिये पर चिरे रातीं जां बडुलै सवेला हौली बर्फबारी बी होई सकदी ऐ।

<><><><><><>

JKP Sports Felicitation

जम्मू-कश्मीर पुलस नै जम्मू च आयोजत इक सम्मान समारोह च J&K Deaf Cricket Team ते Para Judo जेतुएं गी सम्मानत कीता। डी.जी.पी. नलिन प्रभात होरें वरिश्ठ अधिकारियें-एथलीटें ते कोचें कन्नै मिलियै जम्मू-कश्मीर केन्द्र शासत प्रदेश दी शान बधाने आहले खडारियें गी सम्मानत कीता ते उंदे टीम-वर्क ते असाधारण प्रदर्शन दी सराहना कीती। डी.जी.पी. होरें उनेंगी स्मृति चिन्ह भेंट कीते ते खडारियें कन्नै गल्लबात बी कीती ते भविक्ख च होर मती सफलता दी कामना कीती।

<><><><><><>